

# BWRDD PENSIWN CRONFA BENSIWN DYFED

**DYDD MAWRTH, 14 MAI 2024**

**PRESENNOL (Yn y Siambr) J. Jones** (Cadeirydd)

**Aelodau'r Bwrdd (Yn y Siambr):**

M. Evans – Cynrychiolydd Gweithwyr sy'n Aelodau;

T. Bowler – Cynrychiolydd o'r Undeb

Y Cynghorydd A. Lenny – Cynrychiolydd Cyflogwyr sy'n Aelodau;

**Aelod o'r Bwrdd (Yn Rhithwir):**

R. Edwards – Cynrychiolydd Gweithwyr sy'n Aelodau

**Yn bresennol fel sylwedydd (Yn Rhithwir):**

Y Cynghorydd E. Williams –Cadeirydd Pwyllgor Cronfa Bensiwn Dyfed

**Hefyd yn bresennol (Yn Rhithwir):**

A. Brown – Ymgynghorydd Annibynnol

**Hefyd yn bresennol (Yn y Siambr):**

R. Hemingway, Pennaeth Gwasanaethau Ariannol

A. Parnell, Rheolwr Pensiwn a Buddsodiadau Gyllidol

K. Gerard, Rheolwr Pensiwn

J. Williams, Cyfrifydd Cynorthwyol

S. Rees, Cyfieithydd Ar Y Pryd

D. Hall-Jones, Swyddog Cefnogi Aelodau

K. Thomas, Swyddog Gwasanaethau Democraidaidd

**Hefyd yn bresennol (Yn rhithwyr):**

E. Evans, Prif Swyddog Gwasanaethau Democraidaidd

**Siambr, Neuadd y Sir, Caerfyrddin. SA31 1JP ac o bell - 2.00 - 3.50 yp**

**1. YMDDIHEURIADAU AM ABSENOLDEB**

Derbyniwyd ymddiheuriadau am absenoldeb gan y Cynghorydd Wyn Thomas (Cynrychiolydd Gweithwyr sy'n Aelodau) a Mr M. Rogers (Cynrychiolydd Aelodau Pensiwn).

**2. DATGANIADAU O FUDDIANNAU PERSONOL**

Ni ddatganwyd unrhyw fuddiannau personol yn y cyfarfod.

**3. COFNODION CYFARFOD Y BWRDD PENSIWN A GYNHALIWDYD AR 22 IONAWR 2024**

**CYTUNWYD bod cofnodion cyfarfod y Bwrdd Pensiwn a gynhaliwyd ar 22 Ionawr 2024 yn cael eu cadarnhau fel cofnod cywir.**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

## **4. CYFARFOD PWYLLGOR CRONFA BENSIWN DYFED 27 MAWRTH 2024**

### **4.1. ADRODDIAD BWRDD PENSIWN CRONFA BENSIWN DYFED - 22 IONAWR 2024**

Cafodd y Bwrdd adroddiad gan y Cadeirydd Annibynnol, oedd yn rhoi'r wybodaeth ddiweddaraf o gyfarfod y Bwrdd Pensiwn a gynhaliwyd ar 22 Ionawr 2024 lle trafodwyd yr eitemau canlynol:

- Adroddiad Archwilio Datganiadau Ariannol
- Monitro'r Gyllideb
- Diweddariad Gweinyddu Pensiynau
- Y Gofrestr Risg
- Diweddariad Partneriaeth Pensiwn Cymru
- Adroddiad Ymgysylltu Robeco
- Perfformiad Buddsoddi

Croesawodd y Bwrdd Pensiwn fod adroddiad y Cadeirydd yn cael ei gyflwyno, a fyddai'n cael sylw ar holl agendau'r Bwrdd Pensiwn yn y dyfodol.

### **CYTUNWYD nodi Adroddiad Bwrdd Pensiwn Cronfa Bensiwn Dyfed, 22 Ionawr 2024.**

### **4.2. MONITRO'R GYLLIDEB - 1 EBRILL 2023 - 31 RHAGFYR 2023**

Rhoddodd y Bwrdd ystyriaeth i adroddiad Monitro Cyllideb Cronfa Bensiwn Dyfed a oedd yn rhoi'r wybodaeth ddiweddaraf am y sefyllfa gyllidebol ddiweddaraf am y cyfnod 1 Ebrill 2023 - 31 Rhagfyr 2023. Cafodd y Pwyllgor wybod am danwariant o'i gymharu â chyllideb o £1.8m.

O ran cwestiwn ar gost Cyfnewid a chyfundaliadau o £17.8m, sy'n uwch na'r hyn y cyllidebwyd ar ei gyfer, dywedwyd wrth y Bwrdd fod y Gyllideb, a osodwyd ym mis Ionawr 2023, yn seiliedig ar amcangyfrif ar lefel aelodau'r cynllun a fyddai'n ymddeol yn ystod 2023-2024.

**CYTUNWYD bod yr adroddiad yn cael ei nodi.**

### **4.3. CYLLIDEB CRONFA BEWNSIWN DYFED 2024-2025**

Bu'r Pwyllgor yn ystyried Cyllideb Cronfa Bensiwn Dyfed ar gyfer 2024-25 a nododd fod cyllideb gwariant o £133.6m a chyllideb incwm o £133.6m wedi'u gosod, gan arwain i gyllideb net sero a rhoi hyblygrwydd i'r Gronfa ddefnyddio incwm buddsoddi ar sail gofynion cyllidebol.

O ran lefelau gwariant, nododd y Pwyllgor fod y buddion sydd i'w talu wedi cael eu hamcangyfrif i fod yn £118m a oedd yn cynnwys darpariaeth ar gyfer cynnydd o 6.7% yn y pensiynau, ar sail Mynegai Prisiau Defnyddiwr mis Medi 2023, ynghyd â chynnydd o 1.5% mewn pensiynwyr ac aelodau gohiriedig. Yn ogystal,

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

roedd cynnydd yn y gyllideb hefyd wedi'i ddyrannu ar gyfer buddion ymddeoliad ar ffurf cyfandaliadau a thaliadau i ymadawyr .

Amcangyfrifwyd bod treuliau rheoli yn £11.9m, ac o blith hwn roedd £9.4m wedi cael ei glustnodi ar gyfer ffioedd rheolwyr buddsoddi.

Nodwyd yr amcangyfrifwyd bod cyfraniadau'n £104.5m gan gynnwys cyfraniadau cyflogwyr o £76.1m a chyfraniadau gweithwyr o £28.4m. Newidiwyd cyfraddau cyfraniadau i gyflogwyr er mwyn adlewyrchu canlyniadau prisiad tair blynedd 2022. Roedd 4% ychwanegol hefyd wedi cael eu cynnwys mewn dyfarniadau cyflog am y flwyddyn.

Nodwyd ymhellach yr amcangyfrifwyd mai'r incwm ar fuddsoddiadau oedd £25.7m i gynnal cyllideb niwtral yn ariannol felly nid oedd y gronfa'n cadw arian dros ben y gellid ei fuddsoddi.

Cyfeiriwyd at yr effaith y byddai trosglwyddo arian i Bartneriaeth Pensiwn Cymru yn ei chael ar lefel ffioedd rheolwyr buddsoddi sy'n daladwy. Dywedwyd, wrth i arian gael ei drosglwyddo, y byddai ffioedd rheolwyr sy'n daladwy i Bartneriaeth Pensiwn Cymru yn cynyddu ac y byddai'r ffioedd sy'n daladwy i reolwyr Cronfeydd buddsoddi eraill yn lleihau.

**CYTUNWYD bod yr adroddiad yn cael ei nodi.**

#### **4.4. CYSONI ARIAN PAROD FEL YR OEDD AR 31 RHAGFYR 2023**

Bu'r Bwrdd yn ystyried yr adroddiad Cysoni Arian oedd yn rhoi'r wybodaeth ddiweddaraf am y sefyllfa arian parod mewn perthynas â Chronfa Bensiwn Dyfed ar 31 Rhagfyr 2023, gyda £15.4m yn cael ei gadw gan Gyngor Sir Caerfyrddin ar ran y Gronfa er mwyn bodloni gofynion llif arian parod i dalu pensiynau, cyfandaliadau a chostau rheoli buddsoddiadau.

Cadarnhawyd y byddai unrhyw log a gronnwyd ar falansau arian parod yn cael ei gadw o fewn y Gronfa.

**CYTUNWYD bod yr adroddiad yn cael ei nodi.**

#### **4.5. ADRODDIAD GWEINYDDU PENSIYNAU**

Cafodd y Bwrdd adroddiad a oedd yn rhoi'r wybodaeth ddiweddaraf am Weinyddu Pensiynau.

Rhoddodd y Rheolwr Pensiynau y wybodaeth ddiweddaraf am y gweithgareddau yn y gwasanaeth Gweinyddu Pensiynau sy'n cynnwys materion rheoleiddio, y gofrestr torri amodau, i-Connect, cysoni'r Isafswm Pensiwn Gwarantiedig, y Cynllun Dilyniant Busnes a llif gwaith.

Cyfeiriodd y Rheolwr Pensiynau at eitem 1d yn yr adroddiad ar yr Adolygiad Barnwrol, ym mis Chwefror 2024, ar effaith dyfarniad McCloud

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

ar y broses o reoli costau. Dywedodd gan nad oedd yr adolygiad wedi cael ei wrthod, y byddai costau McCloud bellach yn cael eu hystyried yn gost aelodau'r cynllun.

Cyfeiriodd y Rheolwr Pensiynau hefyd at nifer y cyflogwyr sy'n defnyddio iConnect, sydd dros 90%, a dywedodd fod yr awdurdod yn gweithio gyda'r cyflogwyr sy'n weddill i gynorthwyo gyda'r broses bontio.

O ran cyflwyno'r Dangosfwrdd Pensiynau ym mis Hydref 2025, rhoddwyd gwybod i'r Bwrdd am y cyfnod cyflwyno o 1 flwyddyn sydd wedi'i nodi yn y ddeddfwriaeth o fis Medi 2024. Dywedwyd y byddai'r Rheoleiddiwr Pensiynau yn rhoi arweiniad ynghylch hyn 3 mis cyn mis Medi, ac y byddai'r Bwrdd yn cael gwybod am yr arweiniad hwnnw.

**CYTUNWYD bod yr Adroddiad Gweinyddu Pensiynau mewn perthynas â Chronfa Bensiwn Dyfed yn cael ei nodi.**

#### **4.6. ADRODDIAD TORRI AMODAU**

Cafodd y Bwrdd yr Adroddiad Torri Amodau, mewn perthynas â Chronfa Bensiwn Dyfed, i'w ystyried. Nodwyd bod Adran 70 o Ddeddf Pensiynau 2004 yn pennu'r ddyletswydd gyfreithiol i riportio achosion o dorri'r gyfraith. Mae Côd Ymarfer rhif 14, paragraffau 241 i 275, a gyhoeddwyd gan y Rheoleiddiwr Pensiynau ym mis Ebrill 2015, yn rhoi cyfarwyddyd ynghylch riportio'r achosion hyn o dorri'r gyfraith.

Fel yr adroddwyd yn flaenorol i'r Bwrdd, cyfeiriwyd at Gyflogwr a oedd wedi methu â thalu cyfraniadau yn rheolaidd yn ôl yr angen yn y Gronfa, ac amcangyfrifir bod £7,230.56 yn ddyledus. Rhoddwyd gwybod am y toriad hwnnw i'r Rheoleiddiwr Pensiynau ac mae'r Cyflogwr bellach wedi mynd i ddwylo'r gweinyddwyr. Fodd bynnag, ar ôl cyrraedd cytundeb gyda gweinyddwyr y cwmni, roedd y cyfraniadau hynny wedi'u talu i'r gronfa ar 29 Chwefror 2024.

**CYTUNWYD bod yr Adroddiad Torri Amodau mewn perthynas â Chronfa Bensiwn Dyfed yn cael ei nodi.**

#### **4.7. COFRESTR RISG**

Cafodd y Bwrdd adroddiad i'w ystyried a oedd yn rhoi'r wybodaeth ddiweddaraf am y Gofrestr Risg.

Rhoddwyd gwybod i'r Bwrdd fod y Gofrestr Risg yn ddogfen waith sy'n tynnu sylw at yr holl risgiau a nodwyd mewn perthynas â swyddogaethau Cronfa Bensiwn Dyfed. Nodwyd bod y gofrestr yn cynnwys manylion yr holl risgiau a nodwyd; asesiad o'r effaith bosibl, y tebygolrwydd a'r statws risg; y mesurau rheoli risg sydd ar waith; y swyddog cyfrifol a'r dyddiad targed (os yw'n berthnasol) sy'n cael ei adolygu'n rheolaidd i sicrhau bod risgiau wedi'u nodi a'u hasesu. Dywedwyd nad oedd unrhyw newidiadau ers cyfarfod blaenorol y pwyllgor.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Nododd y Bwrdd yn dilyn gwaith sylweddol a wnaed wrth adolygu'r gofrestr, fod risg newydd wedi'i ychwanegu gan fod risg G8 – Amgylcheddol, Cymdeithasol a Llywodraethu.

Nododd ymhellach fod risgiau bellach wedi'u categorio'n dri is-bennawd newydd o Lywodraethu a Rheoleiddio (8 risg), Cyllid a Buddsoddiadau (13 risg) a Gweithredol (16 risg) a fyddai'n cael eu hadolygu yng nghyfarfodydd Pwyllgorau Pensiwn Mehefin, Medi a Thachwedd yn y drefn honno.

Croesawodd y Bwrdd yr adolygiad newydd â ffocws a mynegwyd barn pe bai unrhyw risgiau'n cael eu nodi o dan y penawdau uchod, ei bod yn bwysig eu bod yn cael eu tynnu at sylw'r Bwrdd yn y cyfarfod cynharaf ac nid ydynt yn cael eu gohirio tan yr adolygiad nesaf a drefnwyd.

**CYTUNWYD bod adroddiad y gofrestr risg yn cael ei nodi.**

#### **4.8. POLISI LLYWODRAETHU A DATGANIAD CYDYMFFURFIO**

Nododd y Bwrdd fod Polisi Llywodraethu a Datganiad Cydymffurfiaeth wedi'u diweddarau i Gronfa Bensiwn Dyfed wedi'u datblygu yn dilyn adolygiad diweddar a oedd yn nodi cydymffurfiaeth y Gronfa â'r egwyddorion arfer gorau mewn perthynas â strwythur, cynrychiolaeth, dethol, pleidleisio, hyfforddi, cyfarfodydd, mynediad, cwmpas a chyhoeddusrwydd.

Nodwyd bod y Polisi yn manylu ar drefniadau mewn perthynas â'r canlynol:

- Llywodraethu'r Gronfa
- Cylch Gorchwyl y Pwyllgor Pensiwn
- Dirprwyo i Gyfarwyddwr y Gwasanaethau Corfforaethol a Phennaeth y Gwasanaethau Ariannol
- Cyfarfodydd y Pwyllgor
- Y Cyfarfod Ymgynghorol Blynyddol
- Y Bwrdd Pensiwn

Mewn ymateb i gwestiwn ynglŷn â strwythur aelodaeth Pwyllgor Cronfa Bensiwn Dyfed yn unig sy'n cynnwys cynrychiolwyr o Gyngor Sir Caerfyrddin ac felly ddim yn cydymffurfio'n llawn ag arfer gorau, dywedwyd wrth y Bwrdd fod y strwythur yn dderbyniol ond byddai'n cael ei adolygu yn y flwyddyn i ddod.

**CYTUNWYD bod y Polisi Llywodraethu a'r Datganiad Cydymffurfiaeth wedi'u diweddarau yn cael eu nodi.**

#### **4.9. DATGANIAD STRATEGAETH FUDDSODDI**

Nododd y Bwrdd y Datganiad Strategaeth Fuddsoddi ar gyfer Cronfa Bensiwn Dyfed oedd yn adlewyrchu'r Adolygiad Diwygiedig o'r Dyraniad Asedau Strategol a gymeradwywyd gan y Pwyllgor ar 22 Medi 2023 a argymhellodd ddyraniad o 5% i Gredyd Preifat a gyllidir o'r Portffolio Ecwitis, fel y nodir yn yr adroddiad.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Nododd hefyd fod y Datganiad Strategaeth Fuddsoddi yn ddogfen llywodraethu bwysig i'r Gronfa sy'n nodi ei strategaeth fuddsoddi bresennol, yn rhoi tryloywder o ran sut y mae buddsoddiadau'r Gronfa'n cael eu rheoli, yn gweithredu fel cofrestr risg lefel uchel, a'i fod wedi'i ddylunio i roi gwybodaeth i'r holl randdeiliaid.

## **CYTUNWYD nodi'r Datganiad Strategaeth Fuddsoddi.**

### **4.10. CYNLLUN BUSNES 2024-2025**

Cafodd y Bwrdd Gynllun Busnes Cronfa Bensiwn Dyfed ar gyfer cyfnod 2024-2025 i'w ystyried, a oedd â'r diben canlynol:

- Darparu gwybodaeth am y Gronfa a sut y cafodd ei chynnal.
- Esbonio'r cefndir a strwythur llywodraethu y Gronfa.
- Amlinellu prif gyfrifoldebau'r Gronfa.
- Cyflwyno dogfennau allweddol y Gronfa.
- Tynnu sylw at strategaeth fuddsoddi'r Gronfa gan gynnwys dyrannu asedau strategol.
- Darparu ystadegau allweddol ar gyfer y Gronfa.
- Amlinellu'r gyllideb ariannol ar gyfer y flwyddyn nesaf.
- Amlinellu blaenoriaethau ac amcanion busnes y Gronfa dros y flwyddyn nesaf.

## **CYTUNWYD bod Cynllun Busnes Cronfa Bensiwn Dyfed ar gyfer cyfnod 2024-25 yn cael ei nodi.**

### **4.11. CYNLLUN HYFFORDDI 2023-2024 A 2024-2025**

Cafodd y Bwrdd y wybodaeth ddiweddaraf am Gynllun Hyfforddi 2023/24 ar gyfer aelodau a swyddogion Pwyllgor Cronfa Bensiwn Dyfed a oedd yn manylu ar amserlen cyfarfodydd y pwyllgor, a digwyddiadau hyfforddi ynghyd â chynllun arfaethedig 2024-2025.

## **PENDERFYNWYD YN UNFRYDOL nodi Cynllun Hyfforddi Cronfa Bensiwn Dyfed ar gyfer 2023/24 a 2024/25.**

### **4.12. CYNLLUN BUSNES PARTNERIAETH PENSIWN CYMRU 2024-2027**

Cafodd y Bwrdd Gynllun Busnes Partneriaeth Pensiwn Cymru (PPC) ar gyfer y cyfnod 2024-2027, a luniwyd yn unol ag Adran 6 y Cytundeb Rhwng Awdurdodau, gan fanylu ar flaenoriaethau a meysydd ffocws y Gronfa dros gyfnod y cynllun gyda'r diben o:

- Egluro cefndir a strwythur llywodraethu Partneriaeth Pensiwn Cymru.
- Amlinellu blaenoriaethau ac amcanion Partneriaeth Pensiwn Cymru dros y tair blynedd nesaf.
- Cyflwyno polisiau a chynlluniau Partneriaeth Pensiwn Cymru.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

- Amlinellu'r gyllideb ariannol ar gyfer cyfnod y Cynllun Busnes perthnasol.
- Crynhoi Buddsoddiadau ac Amcanion Perfformiad Partneriaeth Pensiwn Cymru.

Nodwyd, pe bai'r Cynllun yn cael ei gymeradwyo gan bob partner, y byddai' n cael ei fonitro'n gyson a'i adolygu'n ffurfiol ac y byddent yn cytuno arno bob blwyddyn.

## **CYTUNWYD nodi Cynllun Busnes Partneriaeth Pensiwn Cymru 2024-2027.**

### **4.13. DIWEDDARIAD CYD-BWYLLGOR LLYWODRAETHU PARTNERIAETH PENSIWN CYMRU**

Bu'r Bwrdd yn ystyried adroddiad a oedd yn darparu manylion cyfarfod y Cyd-bwyllgor Llywodraethu a gynhaliwyd ar 13 Mawrth 2024, a oedd yn cynnwys:

- Llywodraethu
- Gwaith sy'n cael ei wneud i ddatblygu Is-gronfeydd
- Gwasanaethau gweithredwyr
- Buddsoddiadau ac Adrodd
- Cyfathrebu a Hyfforddiant
- Adnoddau, Cyllideb a Ffioedd
- Cynllun Hyfforddi

Roedd yr adroddiad diweddarau hefyd yn cyfeirio at gynllun hyfforddi PPC, adroddiad y Gweithredwr, perfformiad buddsoddiadau ar gyfer Ch4 ynghyd ag adroddiad gan GCM Grosvenor ar fuddsoddiadau seilwaith.

**CYTUNWYD bod y newyddion diweddaraf ynghylch Partneriaeth Pensiwn Cymru yn cael eu nodi.**

### **4.14. DIWEDDARIAD BUDDSODDI CYFRIFOL PARTNERIAETH PENSIWN CYMRU - 31 RHAGFYR 2023**

Bu'r Pwyllgor yn ystyried adroddiad diweddarau Rhagfyr 2023 am Fuddsoddiadau Cyfrifol PPC oedd yn manylu ar y gweithgarwch Buddsoddiadau Cyfrifol diweddar ynghyd â gwybodaeth am yr Is-gronfeydd canlynol y mae Cronfa Bensiwn Dyfed wedi buddsoddi ynddynt:

- Twf Byd-eang
- Ecwiti Gweithredol Cynaliadwy
- Credyd Byd-eang

Yn ogystal â'r uchod, roedd y diweddariad hefyd yn rhoi Crynodeb Stiwardiaeth ynghyd â'r atodiadau perthnasol rhif 1-4 yn yr adroddiad.

**PENDERFYNWYD YN UNFRYDOL dderbyn yr adroddiad diweddarau.**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

#### **4.15. COFNODION DRAFFT CYFARFOD Y PWYLLGOR PENSIWN 27 MAWRTH 2024**

**CYTUNWYD bod cofnodion drafft cyfarfod Pwyllgor Cronfa Bensiwn Dyfed a gynhaliwyd ar 27 Mawrth 2024.**

#### **5. MONITRO CYLLIDEB Y BWRDD PENSIWN 1 EBRILL 2023 - 31 MAWRTH 2024**

Cafodd y Bwrdd adroddiad Monitro Cyllideb y Bwrdd Pensiwn fel yr oedd ar 31 Mawrth 2024. Cyfanswm y gwariant gwirioneddol oedd £21.2k. Y gwariant a ragwelwyd ar gyfer y flwyddyn oedd £3k o danwariant o gymharu â'r gyllideb.

**CYTUNWYD bod yr adroddiad yn cael ei nodi.**

#### **6. CYNLLUN GWAITH Y BWRDD PENSIWN 2024**

Bu'r Bwrdd yn ystyried Cynllun Gwaith y Bwrdd Pensiwn ar gyfer 2024 a oedd yn amlinellu gwaith arfaethedig y Bwrdd Pensiwn a'r eitemau i'w cyflwyno ym mhob cyfarfod.

**CYTUNWYD bod Cynllun Gwaith y Bwrdd Pensiwn ar gyfer 2024 yn cael ei nodi.**

#### **7. BUDDSODDIAD CRONFA BENSIWN DYFED O FEWN GRŴP CWMNÏAU BUTE**

Cafodd y Bwrdd lythyr a gyflwynwyd gan Gynrychiolydd Cyflogwyr Cyngor Sir Caerfyrddin ar y Bwrdd, a oedd yn gofyn i'r Bwrdd ystyried y camau gweithredu canlynol a argymhellir mewn perthynas â buddsoddiad Cronfa Bensiwn Dyfed o fewn Grŵp Cwmnïau Bute:

- a) Archwilio a oes achos neu gyfle i gael rhyddhad ar gyfer Cronfa Bensiwn Dyfed o'r trefniant ar gyfer ariannu Bute ac o unrhyw ymrwymiad parhaus i gynnis Cronfeydd Pensiwn Dyfed i Grŵp Bute.
- b) I bob un o'r partneriaid o fewn Partneriaeth Pensiwn Cymru drafod y pryderon perthnasol.
- c) Archwilio a oes achos neu gyfle i gael rhyddhad ar gyfer Partneriaeth Pensiwn Cymru o'r trefniant ariannu sy'n ymwneud â Grŵp Bute.
- d) Archwilio a allai unrhyw ryddhad o'r fath olygu adennill y swm a roddwyd hyd yma neu unrhyw ran ohono.
- e) Archwilio a allai unrhyw ryddhad o'r fath olygu atal cydbwysedd y cronfeydd sy'n berthnasol i gyfanswm y buddsoddiad a ragwelwyd.
- f) Archwilio ac ystyried a yw Cronfa Bensiwn Dyfed neu Bartneriaeth Pensiwn Cymru, yng nghyd-destun y berthynas gyllido sy'n bodoli, yn gallu annog a chynorthwyo Green Generation Energy Networks Cymru (GGENC) tuag at gyfeiriad mwy priodol neu hwylus.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf



- g) Cysylltu â Copenhagen Infrastructure Partners (CIP), sy'n ymddangos fel y prif fuddsoddwr yng Ngrŵp Bute, ynghylch y pryderon sy'n bodoli o ran cyfeiriad a dull GGENC, ac i archwilio sut mae'r materion hynny'n effeithio ar reolaeth a rhwymedigaethau gweithredol CIP, yn unol â'r Safonau Amgylcheddol, Cymdeithasol a Llywodraethu a Nodau Datblygu Cynaliadwy'r Cenhedloedd Unedig.
- h) Archwilio gyda CIP a fyddai CIP yn ystyried bod achos neu gyfle i CIP neu unrhyw barti arall gael rhyddhad o drefniadau cyllido sy'n ymwneud â Grŵp Bute.
- i) Archwilio gyda CIP a fyddai CIP, fel y prif ariannwr, ac fel sefydliad o Ddenmarc, gan ystyried y deallir mai'r polisi cenedlaethol yn Nenmarc yw gosod pob llinell 132KV o dan y ddaear, yn gallu annog a chynorthwyo GGENC tuag at gyfeiriad mwy priodol neu hwylus.

Cyfeiriodd y Cynrychiolydd Cyflogwyr yn fanwl at ei lythyr sylwadau, sydd ynghlwm wrth yr adroddiad, a oedd yn amlinellu'r rhesymau dros ei gyflwyno o ran prosiectau Tywi-Wysg a Thywi/Teifi GGENC ac yn arwain at y camau gweithredu a argymhellir uchod. Yn unol â hynny, gofynnodd i'r Bwrdd ystyried cyflwyno'r penderfyniad canlynol i Bwyllgor Cronfa Bensiwn Dyfed mewn perthynas â'r uchod.

“Mae Bwrdd Cronfa Bensiwn Dyfed yn cytuno i ofyn i Bwyllgor Cronfa Bensiwn Dyfed i:

- Archwilio, trafod ac ystyried a oes achos neu gyfle i Gronfa Bensiwn Dyfed neu PPC, ar wahân neu ar y cyd â'i phartneriaid ariannu, gael rhyddhad o unrhyw drefniant ar gyfer ariannu un neu fwy o'r cwmnïau o fewn Grŵp Bute ac archwilio a allai unrhyw ryddhad o'r fath olygu adennill unrhyw swm a roddwyd hyd yma neu unrhyw ran ohono, neu a allai olygu dal arian yn ôl.
- Archwilio a yw Cronfa Bensiwn Dyfed, ac unrhyw un o'i phartneriaid ariannu, yng nghyd-destun unrhyw berthynas gyllido sy'n bodoli, yn gallu ymgysylltu â GGENC/Bute tuag at sicrhau cyfeiriad priodol a hwylus, megis gwerthusiad llawn a phriodol o geblau tanddaearol trwy aredig ar gyfer ceblau.
- Gofyn i'r cwmni cyfreithiol Burgess Salmon LLP a Grŵp Bute egluro a yw Burgess Salmon wedi cynorthwyo un neu fwy o'r cwmnïau o fewn Grŵp Bute ar unrhyw adeg.
- Dechrau trafodaeth gyda phob un o'r partneriaid cyllido a chyda Grŵp Bute ac Ofgem sy'n berthnasol i faterion i'w harchwilio yn unol â'r penderfyniad hwn.”

**CYTUNWYD bod y penderfyniad uchod yn cael ei gymeradwyo a'i gyfeirio at Bwyllgor Cronfa Bensiwn Dyfed i'w ystyried.**

## 8. GORCHYMYN I'R CYHOEDD ADAEL Y CYFARFOD

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

**PENDERFYNWYD YN UNFRYDOL, yn unol â Deddf Llywodraeth Leol 1972, fel y'i newidiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys gwybodaeth eithriedig fel y'i diffiniwyd ym mharagraff 14 o Ran 4 o Atodlen 12A i'r Ddeddf.**

**9. ADRODDIAD ARGYMHELLION O RAN CAFFAEL GWEITHREDWR PARTNERIAETH PENSIWN CYMRU**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad ar benodi cynigydd 3 fel y cynigydd a ffefrir gan y Partneriaeth Bensiwn ar gyfer Contract Gweithredwr newydd Partneriaeth Pensiwn Cymru.

**CYTUNWYD nodi Adroddiad Argymhellion o ran Caffael Gweithredwr Partneriaeth Pensiwn Cymru.**

**10. ADRODDIAD YMGYSYLLTU ROBECO 1 GORFFENNAF 2023 - 30 MEDI 2023**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad Ymgysylltu Robeco am y cyfnod 1 Gorffennaf 2023 – 31 Medi 2023.

**CYTUNWYD bod yr adroddiad yn cael ei nodi.**

**11. ADRODDIAD YMGYSYLLTU ROBECO 1 HYDREF 2023 - 31 RHAGFYR 2023**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad Ymgysylltu Robeco am y cyfnod 1 Hydref 2023 - 31 Rhagfyr 2023.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

**CYTUNWYD bod yr adroddiad yn cael ei nodi.**

**12. ADOLYGIAD BENTHYCA GWARANNAU BYD-EANG HYD AR 31 RHAGFYR 2023**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad a oedd yn rhoi'r wybodaeth ddiweddaraf am fenthyca stoc yn ystod chwarter 4, fel yr oedd ar 31 Rhagfyr 2023.

**Cytunwyd bod yr Adolygiad Benthycia Gwarannau Byd-eang yn cael ei nodi, fel yr oedd ar 31 Rhagfyr 2023.**

**13. ADRODDIAD PERFFORMIAD A RISG YMGYNGHORYDD BUDDSODDI ANNIBYNNOL 31 RHAGFYR 2023**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried Adroddiad yr Ymgynghorydd Buddsoddi Annibynnol, a oedd yn rhoi manylion mewn perthynas â pherfformiad y Rheolwr Buddsoddiadau ar gyfer pob chwarter, pob 12 mis a chyfnodau treigl o 3 blynedd, gan ddod i ben ar 31 Rhagfyr 2023. Roedd yr adroddiad hefyd yn cynnwys cefndir y farchnad fyd-eang a materion i'r bwrdd pensiwn eu hystyried.

**CYTUNWYD bod yr Adroddiad Perfformiad a Risg gan yr Ymgynghorydd Annibynnol fel yr oedd ar 31 Rhagfyr 2023 yn cael ei nodi.**

**14. ADRODDIAD PERFFORMIAD NORTHERN TRUST 31 RHAGFYR 2023**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad Perfformiad Northern Trust a oedd yn nodi perfformiad Cronfa Bensiwn Dyfed fel yr oedd ar 31 Rhagfyr 2023. Roedd yr adroddiad yn darparu dadansoddiad perfformiad ar lefel cronfa gyfan a chan y Rheolwr Buddsoddi am y cyfnodau hyd at y cychwyn.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

**CYTUNWYD bod Adroddiad Perfformiad Northern Trust yn cael ei nodi, fel yr oedd ar 31 Rhagfyr 2023.**

**15. ADRODDIADAU'R RHEOLWR BUDDSODDI AR 31 RHAGFYR 2023**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 8 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy beryglu perfformiad buddsoddi.**

Bu'r Bwrdd yn ystyried adroddiad a oedd yn rhoi'r wybodaeth ddiweddaraf am berfformiad y Rheolwr Buddsoddi fel yr oedd ar 31 Rhagfyr, 2023.

**CYTUNWYD bod Adroddiadau'r Rheolwr Buddsoddi yn cael eu nodi, fel yr oeddent ar 31 Rhagfyr 2023.**

\_\_\_\_\_  
**CHAIR**

\_\_\_\_\_  
**DATE**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf